



**BEIZAMAKO UDALA**  
(GIPUZKOA)

**2009-07-29ko OHIKO UDALBATZA**

Beizaman, bi mila eta bederatzigarren urteko uztailaren hogeita bederatzian, arratsaldeko 19:00etan, udaletxeko udalbatza-aretoan, ezohiko batzarra egin du Udalbatzak, alkatea – Ramon Gerrikagoitia Bengoetxea jauna– buru duela.

Zinegotzi hauek izan dira bileran: Luis Javier Oregi Iñurrieta jauna, Itziar Arkonada Lizarraga andrea, Begoña Garmendia Vazquez andrea eta Igone Arruti Olazabal andrea.

Ez da etorri eta ezin etorria adierazi du.: Inork ere ez.

Ez da etorri eta ez du adierazi ezin etorria: Inork ere ez.

Udaleko idazkariak, Bittor Agirreurreta Murgia jaunak, egin ditu idazkari-lanak.

Alkateak irekitzat jo du saio publikoa; segituan, eta haren baimenarekin, idazkariak jakinarazi du bilera egitea badagoela, Toki Erregimeneko Oinarriak Arautzen dituen apirilaren 2ko 7/1985 Legeak eta 2568/1986 Errege Dekretua, azaroaren 28koa, Toki Erakundeen Antolakuntza, Funtzionamendu eta Eraentza Juridikoaren Erregelamendua onartzen dituenak, agindutako gutxieneko partaide-kopurua bertaratua baita.

**LEHENENGO GAIA**  
**AURREKO BILERAKO AKTA ONARTZEA.**

2009ko ekainaren hogeita seiko ohizko saioaren akten zirriborroa ikusita, aho batez erabaki du udalbatzak hurrengorako uztea onarpena, zenbait daturen baliozkotasuna egiaztatzeko beharra egoki ikusi ondoren.

**BIGARRENGO GAIA**  
**ALKATEAREN DEKRETUEN BERRI EMATEA.**

Alkateak honako dekretuen berri ematen dio udalbatzari:

- 2009-03-30eko 14/2009 Dekretua: M.L.M. kontratatzea Udal aterpetxean garbiketa puntuala egiteko
- 2009-06-22ko 23/2009 Dekretua: 44331240M, 44332256D eta 72454985V kontratatzea uztailean ludoteka zerbitzuaz arduratzeko.
- 2009-07-01eko 24/2009 Dekretua: Udalaren ohiko funtzionamendutik eratorritako hainbat fakturaren ordainketa onartzea, guztira 16.321,74.- €.
- 2009-07-06ko 25/2009 Dekretua: Udalaren ohiko funtzionamendutik eratorritako hainbat fakturaren ordainketa onartzea, guztira 910.- €.
- 2009-07-06ko 26/2009 Dekretua: Udalaren ohiko funtzionamendutik eratorritako hainbat fakturaren ordainketa onartzea, guztira 13.834,39.- €.
- 2009-07-10eko 27/2009 Dekretua: Udalaren ohiko funtzionamendutik eratorritako hainbat fakturaren ordainketa onartzea, guztira 23.268,93.- €.
- 2009-07-14ko 28/2009 Dekretua: M.E.Eri 1.1450.-€ko dirulaguntza ematea



BEIZAMAKO UDALA  
(GIPUZKOA)

haur eskola sustatzeko laguntzen erabakiaren barruan.

- 2009-07-24ko 29/2009 Dekretua: 2009 urteko lehenengo seihilekoari dagokion zaborrari buruzko tasen errolda jendaurrean jartzea.
- 2009-07-24ko 30/2009 Dekretua: 2009 urteko lehenengo seihilekoari dagokion urari buruzko tasen errolda jendaurrean jartzea.
- 2009-07-04ko 31/2009 Dekretua: 2009 urteari dagokion trakzio mekanikozko ibilgailuei buruzko tasen errolda hilabeteko epez jendaurrean jartzea.

Hori dela eta, udalbatzak aho batez adierazi du jakinaren gainean dagoela.

**HIRUGARRENGO GAIA**  
**ONARTZEA, BADAGOKIO, SAN LORENTZO ERMITAREN BERRIZTAPEN**  
**LANEN KONTRATUA ESLEITZEA.**

Udal honek, 2009ko maiatzaren 27an egindako ohizko osoko bilkuran onartu zuen, besten artean, Beizamako San Lorentzo ermitaren berriztapen lanak kontratatzeko espedienteari hasiera ematea onartzea, bai eta jardunbidea, esleipena eta lizitaziorako oinarri bezala erabiliko diren Baldintza Juridiko Ekonomiko eta Administratibo Zehatzen Agiria eta Preskripzio Teknikoen Orria onartzea.

Azaldu diren interesdunak eta beraien proposamenak ondokoak dira:

- Restauraciones Azkoitia SL: 62.485,71.-€ gehi 9.997,71.-€ BEZ gisa. Lanak aurrera eramateko hiru hilabeteko epea proposatuz.
- Antzibar Eraikuntzak SA: 71.858,55.-€ gehi 11.497,37.-€ BEZ gisa. Lanak aurrera eramateko hiru hilabeteko epea proposatuz.
- Oleta Etxegintza: Epez kanpo aurkeztu du proposamena.

Lizitazioa arautzen duten Baldintza Juridiko Ekonomiko eta Administratibo Zehatzen Agiria eta Preskripzio Teknikoen Orria ikusirik, aurreko guztia kontuan hartuz eta urriaren 30eko 30/2007 Legea, Sektore Publikoko Kontratuak arautzen dituena Legea, besteak beste, kontuan hartuz, Udalbatzak bertan daudenek aho batez harturiko erabakiarekin, ondokoa erabakitzen dute:

**Lehena.-** Beizamako San Lorentzo ermitaren berriztapen lanen kontratatua Restauraciones Azkoitia SLri esleitzea.

**Bigarrena.-** Erabaki honen berri izan ondoren, 15 eguneko epea ematen zaio baldintza zehatzen agirian jasotako dokumentazio osoa Udalean aurkezteko eta behin betiko bermea osatzeko.

**Hirugarrena.-** Aipatutako epea bete eta beharrezko dokumentazioa atxiki ondoren, esleipena behin betikoa bihurtuko da gainontzeko izapide edo erabaki gehigarriren beharrik gabe.

**Laugarrena.-** Esleipena behin betiko izaera duenetik, guztia formalizatuko duen



BEIZAMAKO UDALA  
(GIPUZKOA)

kontratua 10 egunetako epean sinatu beharko da.

**Bosgarrena.-** Alkatea eskuordetzea beharrezkoak diren izapideak aurrera eramateko sinatu beharko diren dokumentuak sinatzeko.

**Seigarrena.-** Erabaki honen berri interesdun guztiei jakinaraztea.

Erabaki hau behin betikoa da eta administrazioko bidea agortzen du. Beraren aurka administrazioarekiko auzi-errekurtoa ipini daiteke Donostiako Administrazioarekiko auzietako epaitegietan.

**LAUGARRENGO GAIA  
ONARTZEA, BADAGOKIO, BEIZAMAKO BAKE EPAILEA ETA ORDEZKOA  
AUKERATZEA.**

Euskadiko Justizia Epaitegi Gorenetik 2009ko ekainaren bederatzian jasotako adierazpenaren aurrean, Udal honek Beizamako bake epaile titularra eta haren ordezkoa hautatzeko jardunbideari hasiera eman zion. Asmo honekin, dagokion iragarkia Gipuzkoako Aldizkari Ofizialean argitaratu zen, 2009ko ekainaren hemezortzikoan hain zuzen ere (112 zenbakia).

Epea igaro ondoren eskaera bakarra aurkeztu ez denez, Udalbatzak bertan daudenek aho batez harturiko erabakiarekin, ondokoa adosten dute:

**Lehena.-** Beizamako etxe guztietara zabaltzea iragarki honen berri.

**Bigarrena.-** Irailaren hamaika arteko epea ematea interesdun orok izena eman dezan.

Erabaki hau izapidezko egintza soila besterik ez da eta beraren aurka ezin da inongo errekurtsorik jarri.

**BOSGARRENGO GAIA  
GALDERA ETA ESKAERAK**

Gaiaren premiatasuna ikusirik, Udalbatzak bertan daudenek aho batez harturiko erabakiarekin, ondoko gaia bertan eztabaidatzea erabakitzen dute:

**SOASU MENDIAREN EGUR USTIAKETA KONTRATUAREN DEUSEZTATZEA.**

Udal honek 2007ko azaroaren 9an eginiko udalbatzan, Soasu Mendiaren egur ustiaketa Larrano Basolana SAri esleitu zion, ondoren, 2007ko abenduaren 12an aipatutako esleipenari dagokion kontratua sinatu zelarik.



BEIZAMAKO UDALA  
(GIPUZKOA)

Esleipena arautzen duten baldintza juridiko, ekonomiko eta administratibo berezien orriek eta kontratuaren klausulek agindutakoaren arabera, 2008ko ekainaren 12an egina beharko luke bigarrenko ordainketa, 43.739,48.-€ko ordainketa hain zuzen ere. Azkeneko ordainketa, 2008ko abenduaren 12an egin beharrekoa zen, beste 43.739,48.-€, eta une horretan amaitu behar zen kontratua.

Ondoren, eta esleipendunari egozgarriak diren hainbat akats eta urratzeren ondoren, Udal honek 2009ko otsailaren 25ean eginiko udalbatzan erabaki zuen, besteen artean, Soasu mendiaren egur ustiaketa kontratuaren deuseztatze prozedurari hasiera ematea, ondoren, kontratuaren esleipendunari dagokion jakinerazpena egin zitzaiozlarik.

Aldi berean, espedientea Aholku Batzorde Juridikoari igorri zitzaion beraien iritzia eskatuz. Erakunde honetatik igorritako erantzunean adostasuna agertzen du Beizamako Udalaren eginbideen aurrean.

Ikusirik idazkariaren txostena, aurreko guztia kontuan hartuz eta indarrean dagoen araudia, besteak beste, Ekainaren 16ko 2/2000 Errege Dekretu Legegileak, Administrazio Publikoen Kontratuen Legearen Testu Bateratua onartzen duenak, Udalbatzak, bertan daudenek aho batez harturiko erabakiarekin, ondokoa ebatzen du

**Lehena.-** Soasu mendiaren egur ustiaketa kontratua suntsiaraztea.

**Bigarrena.-** Esleipendunak jarritako bermea inkautatzea.

**Hirugarrena.-** Kontratuaren prezioa erreklamatzeko esleipendunari likidazio gisa, kopuru honi dagokion legezko interesak gehituko zaizkiolarik.

**Laugarrena.-** Aprobetxamendu lekura eta bertan metatutako materialera hurbiltzeko debekua ezartzea.

**Bosgarrena.-** Egindako kalteak konpondu eta aurreko egoerara itzultzeko lanek suposatuko duten kostua erreklamatzeko (dagokion tekniko eskudunek egingo dute balorazioa).

**Seigarrena.-** Euskal Gobernuak kontratisten erregistro ofizialari premiamenduzko eskea egitea, Larrano Basolanak SLri administrazio publikoarekin kontratatze debekua ezartzeko.

**Zazpigarrena.-** Esleipendunari 10 egunetako epea ematea, honakoa jakinarazi eta biharamunetik kontatzen hasita, egoki deritzon alegazioak aurkez ditzan. Alegaziorik egin ezean, likidazio proposamen hau onartutzat emana izango da.

Gaiaren premiatasuna ikusirik, Udalbatzak bertan daudenek aho batez harturiko erabakiarekin, ondoko gaia bertan eztabaidatzea erabakitzen dute:



BEIZAMA KO UDALA  
(GIPUZKOA)

### ESKOLA BERRIKO AKURAPEN KONTRATUA AMAITZEA

2007ko irailaren 12an, 16/2007 alkatetza ebazpenaren bidez Udal honek erabaki zuen David Bernabe Navascues Ripalda jaunari Beizamako eskola etxea ezkerre alokatzea, horretarako errendamendu kontratu bat eginenez bertan baldintzak zehaztuz.

Kontratu honen bigarren baldintzak jasotzen duenez, kontratu honen prezioa 200€urokoa izango da hilean. Diru kantitate hau hileko lehen hamar egunetan ingresatua izango da Udalaren kontu korrontean.

Bestalde, hirugarren baldintzak jasotzen duenez, kontratu honen iraupena 12 hilabetekoa izango da kontratu hau sinatzen denetik kontatzen hasita. Kasu guztietan, kontratuaren indarraldia luzatu ahal izango zen Beizamako Udal planeamenduko arau subsidiarioetako R-21, L-2 eta V-2 eremuan esleitutako etxebizitza amaitu arte, lehen erabilera jasotzen duenean.

Ikusirik, kontratuaren ordainketak ez direla egin baldintzetan jaso izan den eran, atzerapen ugari izan direla, bai eta ez ordaintzeak.

Kontuan hartuz, bi mila bederatziko maiatzaren hogeita bial Udal honek Etorlur SAUk eskatutako lehen erabilerako baimena eman zuela.

Honenbestez, Udalbatzak bertan daudenek aho batez harturiko erabakiarekin, ondokoa adosten dute:

**Lehena.-** David Bernabe Navascues Ripalda jaunari eskola etxe ezkerre, udal ondasuna, uzteko errekeritzea eta honetarako 10 egunetako epea ematea, honakoa jakinarazi biharamunetik kontatzen hasita.

**Bigarrena.-** Zor dituenak ordainaraztea.

Aztertze ko beste gairik ez dagoenez, 20:00etan eman da amaitutzat bilera. Han esandako guztia aktan jaso eta idazkari nauzuen honek EGIAZTATZEN dut.